

23.2.2022

Höfundur: Ívar Örn Þórðarson, slökkviliðsstjóri.

Hér fyrir neðan eru drög að kafla 8, framkvæmdaáætlun í brunavarnaráætlun Brunavarna Dala, Reykhóla og Stranda 2022-2026 til kynningar.

Sveitarstjórnir þurfa að taka ákvörðun um hvaða stefnu skal fylgja varðandi afskriftarreglu búnaðar og þá endurnýjun búnaðar. Hingað til hefur fjárhagsáætlun slökkviliðanna verið ákveðin upphæð og einungis hækkað samkvæmt verðlagi. Þetta á sérstaklega við um það fjármagn sem er ætlað í viðhald, eftirlit og endurnýjun búnaðar.

1 Framkvæmdaáætlun

1.1 Framkvæmdaáætlun 2022-2026

Búnaði, húsnæði og bifreiðum er lýst í kafla 4. Allar áætlanir um endurnýjun og fjárfestingu í búnaði slökkviliðsins eru háðar samþykktri fjárhagsáætlun hvers árs. Á fjárhagsáætlun hvers árs er rekstrarframlag til endurnýjunar og viðhalds á þeim búnaði sem þar er talinn upp. Stærri fjárfestingar næstu fimm ára eru taldar upp hér en auk þess er á fjárhagsáætlun hvers árs fjármagn til að viðhalda og endurnýja minni búnað.

1.1.1 Húsnæði

Dalabyggð

Eins og kemur fram í kafla 4.1.2. er þó nokkur viðhaldspörf á húsnæði slökkviliðs Dalabyggðar en þar að auki er húsnæðið allt of lítið fyrir starfsemi þó það dugi sem upphitað skýli fyrir bíla, búnað og hlífðarfatnað þá vantar mikið upp á að það uppfylli nútíma kröfur um plássþörf en einnig takmarkar plássið möguleikana á því að slökkviliðið geti bætt við búnað eða tekið inn stærri búnað þegar til dæmis tankbíll verður endurnýjaður. Mikil þörf er á ýmsa húsnæði fyrir starfsemi en sömuleiðis eru aðrir viðbragðsaðilar í húsnæðisþörf, svo sem sjúkraflutningar HVE. Tilvalið væri að sameinast um byggingu húsnæðis þar sem um skylda starfsemi er að ræða og jafnvel sömu aðilar á báðum stöðum. Slökkviliðsstjóri leggur því til við sveitarstjórn að á gildistíma þessarar áætlunar verði unnið að því að koma upp björgunarmiðstöð með viðeigandi aðstöðu fyrir ýmsa viðbragðsaðila og almannavarnir á svæðinu og slík aðstaða verði komin í byggingu ekki seinna en árið 2026 og samtalið hefjist ekki seinna en í byrjun árs 2022.

Núverandi húsnæði.

Sem fyrr segir er talsverð viðhaldspörf á húsnæðinu en einnig þörf á að bæta alla vinnuaðstöðu. Útidyr að bílasal liggur undir skemmdum vegna viðhaldsleysis, þröskuldur ónýtur og hurð að skemmast. Viðhald á gluggum hússins hefur verið ábótavant í langan tíma og eru skemmdir víða ásamt því að gler er ónýtt. Innanhúss þarf að bæta vinnuaðstöðu fyrir viðhald og hreinsun búnaðar ásamt geymsluplássi fyrir auka búnað liðsins. Nýlega var komið fyrir loftræsingu í húsinu vegna útblásturs af bílum en þörf er á að betrubæta lagnir til þess að kerfið skili betri árangri.

Í húsinu er ekki viðeigandi aðstaða fyrir mannskap til þess að setjast niður til funda eftir æfingu eða aðgerð né er pláss til þess að koma slíku fyrir.

Huga þarf að stækkun húsnæðis fyrir slökkvilið, jafnvel byggingu björgunarmiðstöðvar þar sem aðrir viðbragðsaðilar væru með aðstöðu. Búðardalur er vel staðsettur fyrir viðbragð með sérhæfðan

búnað svo sem loftbanka, spilliefnabúnað og fleira. Áætluð plássþörf fyrir slökkvilið og sjúkraflutninga er u.þ.b. 550 m². Gróf kostnaðaráætlun er um 200.000.000 kr.

Reykhólahreppur

Húsnæðið rétt dugar sem skýli fyrir slökkvibíla liðsins. Aðstaða starfsmanna fyrir hlífðargalla er þröng og við bíla. Í húsinu er salerni en að öðru leiti vantar alla aðstöðu. Bæta þarf aðstöðu fyrir mannskap. Þörf er á loftræsingu fyrir bíla, mála þarf gólf og bæta vinnuáðstöðu, vinnuborð og fl. vegna viðhalds búnaðar og tækja. Huga þarf að viðhaldi eða endurnýjun á eldri aksturshurð. Bæta þarf kyndikerfi hússins.

Húsnæðið er lítið og rétt dugir fyrir tvo bíla og hlífðarfatnað slökkviliðsmanna. Huga þarf að stærra húsnæði fyrir slökkviliðið.

Flatey

Slökkvistöð er að rísa fyrir búnað slökkviliðsins (2021) sem hefur verið geymdur úti í lokaðri kerru fram til þessa. Skoða þarf möguleikann á því að koma upp sér brunahanakerfi sem er óháð vatnsveitu. Skoða þarf kosti og galla þess að koma fyrir fastri dælu í sjó eða jafnvel að bora fyrir vatni við nýja slökkvistöð og leggja lagnir út frá henni. Yfir vetrartímann eru fáir í eyjunni og langt í næstu bjargir.

Strandabyggð

Húsnæðið er lítið og rétt dugar fyrir þær bifreiðar sem tilheyra liðinu. Aðstaða starfsmanna til fataskipta er þröng og á milli bíla. Bæta þarf loftræsingu fyrir bíla, framkvæma viðgerð á hurðum og bæta geymslu fyrir hlífðarfatnað til að lengja endingartíma búnaðar. Skoða þarf möguleika á stækkun núverandi húsnæðis svo hægt sé að koma fyrir auka búnaði sem geymdur er annarstaðar.

1.1.2 Menntun og þjálfun

Stefnt er að fjölgun og/eða endurnýjun í liðunum.

- Stefnt er að fjölgun liðunum og ekki verði færri en 18 í hverju liði.
- Slökkviliðsmenn sem hafa lokið námskeið 1 og 2 hjá Brunamálaskólanum halda áfram námi.
- Nýir starfsmenn slökkviliðanna sækja námskeið Brunamálaskólans samkvæmt námskrá og fá viðeigandi þjálfun með sínu liði.
- Bæta þekkingu og þjálfun vegna björgunar á fastklemmdu fólki úr mannvirkjum og bifreiðum.
- 25 klst. þjálfun reykkafera á ári, ásamt árlegri læknisskoðun og þrekprófi.
- 20 klst. almenn þjálfun á ári fyrir hvern slökkviliðsmann.
- Endurmenntun slökkviliðsmanna á 6 ára fresti
- Minnst 15 slökkviliðsmenn, 5 úr hverju liði fái menntun og þjálfun til reykköfunarréttinda.
- Reykkafarar fara árlega í læknisskoðun og þrekpróf.
- Slökkviliðsmenn fái menntun vegna hættulegra efna.
- Varðstjórar fái menntun til eldvarnaeftirlits.
- Slökkviliðsmenn fái menntun vegna björgunar úr fastklemmdri aðstöðu.

1.1.3 Búnaður

Endurnýjun búnaðar og fjárfestingar slökkviliðanna er háð fjárhagsáætlun hvers sveitarfélags fyrir sig.

Afskriftaregla slökkviliðanna ætti að miða við leiðbeiningar Húsnæðis- og Mannvirkjastofnunar um lágmarksbúnað, afskriftir og úreldingu búnaðar slökkviliða. Miðað er við að eignir afskrifast um 35%, slökkvibílar og lausar dælur á 20 árum. Annar búnaður afskrifast á 10 árum eða samkvæmt leiðbeiningum framleiðanda. Búnaður fyrstu reykkafera ætti ekki að vera eldri en fimm ára. Til þess að forðast óregluleg stór innkaup á nokkra ára fresti er æskilegt að tryggja slökkviliðunum nægt fjármagn á fjárhagsáætlun fyrir reglulega endurnýjun búnaðar.

- Hlíðarfatnaður skal endurnýjast á 10 ára fresti. Æskileg endurnýjun hjá liði: Tvö sett á ári.
- Reykköfunarbúnaður skal skoðast á 2 ára fresti hjá viðurkenndri þjónustustöð. Loftpressa er skoðuð einu sinni á ári.
- Reykköfunartæki þarf að endurnýja á um 10 – 15 ára fresti. Æskileg endurnýjun hjá liði: Eitt sett annað hvert ár (á milli skoðanna)
- Loftkúta þarf að þrýstiprófa á 5 ára fresti hjá viðurkenndum aðila. Tveir til fjórir kútar prófaðir á ári. Loftkúta þarf að endurnýja á um 15 – 20 ára fresti. Æskileg endurnýjun hjá liði: Einn kútur á ári.
- Slöngur, stúta og tengisstykki þarf að endurnýja á um 10 -15 ára fresti. Æskileg endurnýjun hjá liði: Fjórar til sex slöngur á ári.
- Endurnýja þarf þann búnað sem fyrir er, og bæta við, til þess að bregðast við stærri hættu.
- Regluleg endurnýjun á núverandi búnaði.
- Bæta við búnaði vegna mengunarslysa.
- Bæta við búnaði vegna vatnsöflunar.
- Skoðun og eftirlit með búnaði.
- Bæta við búnað vegna fyrstu hjálpar.

1.1.4 Bifreiðar

Bifreiðar liðanna eru almennt í góðu ástandi þó meðalaldur þeirra sé heldur hár. Þörf er á að endurnýja tankbifreið og bæta við þjónustu- og mannskapsbíl hjá Slökkviliði Dalabyggðar. Dælubifreið Reykhólahrepps var skipt út fyrir nýrri og léttari dælubíl í byrjun árs 2022. Gert er ráð fyrir áframhaldandi viðgerðum og uppfærslum á dælubíl slökkviliðs Strandabyggðar. Til stendur að koma fyrir Tetra talstöð í forystubíll hvers liðs. Þannig munu fjarskipti batna til muna þar sem samband er lélegt.

1.1.5 Samningar.

Gera þarf samninga við slökkvilið með um aðstoð vegna mengunarslysa. Gera þjónustu- og samstarfssamninga við nágretta slökkvilið og sveitarfélög þar sem á vantar. Einnig við Vegagerðina, aðra þjónustuaðila, fyrirtæki og verktaka vegna þjónustu.

1.1.6 Sameining sveitarfélaga.

Reiknað er með því að sveitarfélögin sameinist öðrum á einhvern hátt á gildistíma áætlunarinnar. Huga þarf að með hvaða hætti Brunavarnir Dala, Reykhóla og Stranda muni starfa í breyttu umhverfi, sérstaklega ef um er að ræða sameiningu annara sveitarfélaga en að þessari áætlun koma.

1.1.7 Framkvæmdaáætlun

samningar / búnaður / menntun

Á árinu 2022

- Samningagerð við samstarfsaðila.
- Undirbúningur að byggingu björgunarmiðstöðvar, samtal við viðbragðsaðila í Dalabyggð og áætlunargerð.

- Undirbúningur að stækkun slökkvistöðvar. (Stranda, Reyk)
- Endurnýjun hlífðarfatnaðar.
- Endurnýjun á reykköfunartæki (eitt annað hvert ár).
- Kaup á 10-15.000 lítra vatnspró (Dal, Reyk) sem fylgir tankbíl.
- Eftirlit með búnaði samkvæmt skipulagi.
- Endurnýjun á Tetra handstöðvum, ein á ári.
- Kaupa á hlífðarfatnaði vegna hættulegra efna.
- Þjálfun 15-25 vegna reykköfunarréttinda.
- Endurnýjun dælu- og tækjabíls Slökkvilið Reykhóla (lokið).
- Áframhaldandi menntun slökkviliðsmanna.

Á árinu 2023

- Undirbúningur að byggingu björgunarmiðstöðvar.(Dal)
- Endurnýjun á hlífðarfatnaði.
- Endurnýjun á búnaði slökkviliðs.
- Eftirlit með reykköfunartækjum (annað hvert ár).
- Kaup á loftpressu vegna reykköfunar (Reykh).
- Eftirlit með búnaði samkvæmt skipulagi.
- Viðhald og endurnýjun á fjarskiptabúnaði liðsins. Kaup á viðbótar búnaði fyrir fjarskipti.
- Endurnýjun á Tetra talstöðvum.
- Leitað að og fest kaup á tækja og mannskapsbifreið.
- Lausabúnaði viðhaldið.
- Viðhalda menntun / endurmenntun liðsmanna / æfingar.

Á árinu 2024

- Endurnýjun á hlífðarfatnaði.
- Endurnýjun á reykköfunartæki (eitt annað hvert ár).
- Viðhaldið eldri slöngulögnum og bætt við.
- Eftirlit með búnaði samkvæmt skipulagi.
- Endurnýjun á búnaði slökkviliðs.
- Fjárfest í stærri búnaði. Háð sveitarstjórnnum og fjárhagsáætlun hvers sveitarfélags.
- Leitað að og fest kaup á þjónustu- og stjórnendabíl. (Dal, BDRS)
- Lausabúnaði viðhaldið.
- Viðhalda menntun / endurmenntun liðsmanna / æfingar.

Á árinu 2025

- Endurnýjun á hlífðarfatnaði.
- Endurnýjun á búnaði slökkviliðs.
- Lausabúnaði viðhaldið.
- Fjárfest í stærri búnaði.
- Viðhalda menntun / endurmenntun liðsmanna / æfingar.
- Eftirlit með reykköfunartækjum (annað hvert ár).
- Eftirlit með búnaði samkvæmt skipulagi.

Á árinu 2026

- Ný slökkvistöð komin í byggingu eða tekin í notkun. (Dal, Reyk)

- Stækkun á slökkvistöð á Hólmavík.
- Endurnýjun á tækja- og mannskapsbíl (Strand).
- Endurnýjun á hlífðarfatnaði.
- Endurnýjun á tankbíl (Dal).
- Viðhald og endurnýjun á búnaði liðanna.
- Viðhalda menntun / endurmenntun liðsmanna / æfingar.
- Endurnýjun brunavarnaráætlunar 2027-2031.

DRÖG